

MEĐUNARODNI DAN ŠUMA OBILJEŽAVAMO 21. MARTA

Svake godine 21. marta obilježavamo međunarodni dan šuma. Obilježavanje dana šuma skreće pažnju na važnost šuma i način na koji nas šume štite i opskrbljuju neophodnim resursima za život.



U 2016. godini najvažnije je objasniti značaj šuma u očuvanju vodenih resursa na Zemlji. Ne samo da nas šume opskrbljuju svježom vodom i čuvaju naše izvore vode, šume nas, također, štite od razornih bujičnih poplava i spiranja zemljišta.



Šume su ključna komponenta u očuvanju slivova rijeka. Očuvanje riječnih slivova osigurava funkcioniranje ekosistema i doprinosi kvalitetu života ljudi.



Šume smanjuju eroziju tla, smanjuju taloženje sedimenta u vodnim tijelima (močvarama, potocima, rijekama) i vezuju ili filtriraju polutante u šumskoj stelji.



Šume se nalaze na prvoj liniji odbrane u reduciranju efekta klimatskih promjena. Kroz transpiraciju i evaporaciju te stvaranje sjene, šume snižavaju temperaturu u staništu.



DA LI STE ZNALI?

- 75% dostupne pitke vode nalazi se na područjima slivova pod šumom
- trećina najvećih gradova snabdijeva se vodom iz zaštićenih područja pod šumom
- šume su prirodni filter za vodu
- klimatske promjene utiču na pristupačnost vodenih resursa

MAY THE FOREST
BE WITH YOU!



Efekat klimatskih promjena manifestira se kroz povećan broj katastrofa: poplava, suša i klizišta, na šta značajno utiče šumski pokrov. Također, krčenja šuma na velikim površinama utiče na precipitaciju tla.



Održivi razvoj i održivo korištenje šuma doprinosi smanjenju erozije i smanjuje rizik od klizišta, prirodnih katastrofa, koje mogu ugroziti izvore pitke vode. Šume štite i pomažu revitalizaciju tla posebno u područjima pogođenim erozijom u brdskim i planinskim dijelovima.

Projekat "Zaštita šumskih mrava u Bosni i Hercegovini" podržan je od strane Rufford Small Grants Foundation:
http://www.rufford.org/projects/adi_vesnic

bio.log.bih@gmail.com

